

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“ broj 7/10) i Programa utroška sredstava Ministarstva za rad, socijalnu politiku i izbjeglice za 2018. godinu, broj: 02-14-3073/18 od 22.02.2018. godine, 02-14-11047/18 od 05.07.2018. godine, broj: 02-14-14471/18 od 24.09.2018. godine i broj: 02-14-14611/18 od 26.09.2018. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 163. sjednici, održanoj dana 26.09.2018. godine, d o n o s i

ODLUKU

o sufinansiranju infrastrukturnih projekata u općini Zavidovići

Član 1. **(Predmet)**

Odobravaju se Općini Zavidovići novčana sredstva u iznosu od 250.000,00 KM (slovima: dvijestotinepedesethiljada konvertibilnih maraka) na ime učešća Zeničko-dobojskog kantona u sufinansiranju infrastrukturnih projekata s ciljem potpore povratku na ovo područje i to:

- a) za projekat „Izgradnja mosta preko rijeke Gostović u Stipovićima“ općina Zavidovići iznos od 200.000 KM,
- b) za sanaciju putnih komunikacija na lokalitetu naselja Majdan i drugim prioritetnim lokalitetima u općini Zavidovići iznos od 50.000 KM.

Član 2. **(Analitička konta)**

Sredstva iz člana 1. ove odluke isplatit će se iz Budžeta Zeničko-dobojskog kantona za 2018. godinu („Službene novine Zeničko-dobojskog kantona”, broj 01/18) razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica”.

Član 3. **(Uplata sredstava)**

Odobrena sredstva će se uplatiti na transakcijski račun Općine Zavidovići broj: 1020320000027070 otvoren kod Union banke d.d. Sarajevo, ID broj: 4218234570005, vrsta prihoda 732114, šifra Općine 102, sa naznakom Svrha uplate: „Sufinansiranje obnove infrastrukture u općini Zavidovići- „Izgradnja mosta preko rijeke Gostović u Stipovićima“ i „za sanaciju putnih komunikacija na lokalitetu naselja Majdan i drugim prioritetnim lokalitetima u općini Zavidovići“.

Član 4. **(Realizacija Odluke)**

Za realizaciju ove odluke zadužuju se Ministarstvo za rad, socijalnu politiku i izbjeglice, Ministarstvo finansija i Općina Zavidovići, svako u okviru svojih nadležnosti.

Član 5.
(Izveštavanje)

Obavezuje se Općina Zavidovići, da Ministarstvu za rad, socijalnu politiku i izbjeglice Zeničko-dobojskog kantona po završetku radova dostavi narativni i finansijski izvještaj o namjenski utrošenim sredstvima.

Član 6.
(Stupanje na snagu)

Odluka stupa na snagu danom donošenja i biti će objavljena u „Službenim novinama Zeničko-dobojskog kantona”.

Broj: 02-14-14750/18.
Datum, 26.09.2018.godine.
Z e n i c a

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x Općina Zavidovići (putem ministarstva),
1x "Službene novine Zeničko-dobojskog kantona“,
1x a/a.